



SIARAN MEDIA

KEMENTERIAN BELIA DAN SUKAN



KBS : 9/2026

KBS KOMITED PERKASA KESUKARELAWANAN DAN PEMBANGUNAN KOMUNITI MELALUI AKADEMI MYCORPS: BORNEO 2025/2026

27 JANUARI 2026

1. Kementerian Belia dan Sukan (KBS) meneruskan komitmen memperkasa kesukarelawan belia menerusi Program Akademi MyCorps: Borneo 2025/2026. Majlis penutupan program ini telah disempurnakan oleh YB Mordi Anak Bimol Timbalan Menteri Belia dan Sukan di Menara KBS, Putrajaya.
2. Seramai 40 orang belia pelbagai latar belakang dari Sabah dan Sarawak telah menyertai Program Akademi MyCorps: Borneo 2025/2026 anjuran Jabatan Belia dan Sukan Negara (JBSN) yang dilaksanakan bermula 15 hingga 28 Januari 2026. Program yang bertemakan “*Changing Lives*” ini melibatkan penempatan sukarelawan di Tumpat, Kelantan, Muar, Johor dan Sungai Petani, Kedah. Program ini memberi latihan intensif kesukarelawan dan pendedahan praktikal dalam pembangunan komuniti, pendidikan, kesihatan, kebajikan dan bantuan kemanusiaan melalui kerjasama agensi kerajaan, pertubuhan bukan kerajaan (NGO), Jawatankuasa Kemajuan dan Keselamatan Kampung (JKKK).
3. Tujuan utama pelaksanaan Akademi MyCorps: Borneo 2025/2026 adalah untuk melahirkan sukarelawan belia yang berkemahiran, berwibawa dan prihatin dan mengukuhkan hubungan antara belia dan komuniti setempat khususnya di kawasan luar bandar dan golongan belia tidak berpersatuan.

4. Program ini turut menyumbang kepada pengukuhan kerjasama strategik antara kerajaan, NGO dan komuniti selaras dengan Matlamat Pembangunan Lestari (SDG) serta menggunakan pendekatan *outcome-based* bagi memastikan pelaksanaan projek komuniti yang pantas, kos efektif dan berimpak tinggi.
5. Bagi tahun 2026, KBS akan meneruskan inisiatif MyCorps ke peringkat antarabangsa dengan membuka penyertaan kepada belia berumur 30 tahun dan ke bawah bagi Program MyCorps @ Timor Leste. Inisiatif ini bertujuan memperluas pengalaman kesukarelawanan belia Malaysia di peringkat global serta menyokong aspirasi Malaysia MADANI melalui pembangunan belia yang berdaya saing, prihatin dan bertanggungjawab.
6. Untuk sebarang pertanyaan atau maklumat lanjut mengenai Program Akademi MyCorps: Borneo 2025/2026, sila hubungi talian 03-8871 3748 atau e-mel kepada jbsn@kbs.gov.my.

**UNIT KOMUNIKASI KORPORAT
KEMENTERIAN BELIA DAN SUKAN**

